

12-11

қисқа рақамли «Ишонч телефони», яъни «Call-center»га мамлакатимизнинг турли ҳудудларида, олис ва чекка қишлоқларида яшаётган хотин-қизлар ўз муаммолари бўйича исталган вақтда мурожаат қилишлари мумкин.



Ўз вужудингга
тафаккур
айлагил,
Ҳар не истарсен,
ўзунгдин
истагил.

Ishonch

Юрт тараққийети йўлида бирлашайлик!

2021 йил
17 август, сешанба
№ 102 (4542)

Алишер Навоий

Ўзбекистон касабалар уюшмалари Федерацияси нашри • Газета 1991 йил 21 мартдан чиқа бошлаган • www.ishonch.uz • e-mail: ishonch1991@yandex.uz



Кун нафаси

Ўзбекистон мусулмонлари идораси раиси, муфтий **Усмонжон Алимов** 15 август кунини хасталик туфайли вафот этди. Президент **Шавкат Мирзиёев** таъзияли хонадонга ташриф буюриб, марҳумнинг оила аъзоларига ҳамдардлик билдирди.



Ўзбекистон Президенти **Шавкат Мирзиёев** Туркиянинг шимолӣ вилоятларида юз берган сув тошқинлари оқибатида қўллаб инсонлар қурбон бўлгани, бинолар ва инфраструктура объектларига катта зиён етгани муносабати билан Туркия Президенти **Режеп Таййип Эрдоганга** ҳамдардлик билдирди.



Олий Мажлис Қонунчилик палатасининг навбатдаги мажлиси бўлиб ўтди. Мажлисида депутатлар томонидан кўриб чиқилган **Тошкент вилояти ва Тошкент шаҳри чегараларини ўзгартириш тўғрисидаги қарор** лойиҳаси қабул қилинди.



Жорий йилнинг **24 август – 5 сентябрь кунлари** Япония пойтахти Токио шаҳрида XVI ёзги Паралимпиада ўйинлари бўлиб ўтади. Унда **Ўзбекистонлик паралимпийчилар илк бор 8 та спорт тури бўйича рақобатга киришади.**

Пойтахтимизда янги хоккей мавсумига старт берилди. Қисқа танафусдан сўнг мухташам «Хумо Арена» муз саройида **«Тошкент» ҳамда «Снежный барс» болалар хоккей клублари тарбияланувчилари ўртасида ўртоқлик учрашуви** бўлиб ўтди.

Ойбек Норинбоев Ўзбекистон география жамяти раиси этиб сайланди.

Жорий йилнинг **17-31 август кунлари** Дубай шаҳрида ёшлар ва ўсмирлар ўртасида **бокс бўйича Осиё чемпионати** бўлиб ўтди. Мусобақада иштирок этадиган **боксчиларимиз Бирлашган Араб Амирликларига жўнаб кетди.**

Ҳадия Абдуллаева Ўзбекистон банклари ассоциацияси бош директорининг матбуот котиби – ахборот сиёсати масалалари бўйича маслаҳатчиси лавозимига тайинланди.



Жиноят ишлари бўйича **Мўйноқ тумани суди** биноси реконструкция қилиниб, **фойдаланишга топширилди.**

Интернет хабарлари асосида тайёрланди



Август таровати

Қашқадарё вилояти

Ёзги соғломлаштириш Ёрқин лаҳзалар

Яккабоғ туманида болажонларнинг ёзги соғломлаштириш мавсумини юқори савияда ўтказиш, «Барча яхши нарсалар – болаларга» шиорини татбиқ этишга катта эътибор қаратилди. Мухими, эпидемиологик эҳтиёт чоралари кўрилди.



Мавсумни намунали ўтказиш учун туман халқ таълими ва мактабгача таълим бўлими билан ҳамкорликда тизимли ишлар амалга оширилди. Аниқ чора-тадбирлар белгиланди. Натижада Яккабоғ туманидаги кам таъминланган ходимларнинг 220 нафар фарзандини соғломлаштиришга эришилди.

Мавсумнинг биринчи ва иккинчи босқичида туманимиздаги Мирзо Улуғбек номли оромгоҳда 105 нафар, Шаҳрисабз туманидаги «Зиё чашмалари»да 55 нафар ва Яккабоғ туманидаги «Истиқлол ғунчалари» болалар дам олиш масканида 60 нафар ўғил-қиз ёзги таътилни мароқли ўтказди.

Давлатимиз раҳбари томонидан илгари сурилган 5 та муҳим ташаббус бўйича ёшларнинг мусиқа, рассомлик, адабиёт ва санъатнинг бошқа турларига қизиқишларини ошириш, жисмоний чиниқтириш, китобхонликни кенг тарғиб қилиш бўйича турли мавзудаги тадбирлар ва кечалар, спорт мусобақалари ва кўрик-танловлар ташкил этилди.

Алишер ХОННАЗАРОВ, Таълим ва фан ходимлари касабалар уюшмаси Яккабоғ тумани кенгаши раиси

Навоий вилояти



Истиқлолнинг 30 йиллигига 30 та янги иш ўрни

Замонавий технологияларда ишлаш завқи

Хатирчи туманининг «Мустақиллик» маҳалла фуқаролар йиғини ҳудудида қиймати 30 миллион АҚШ долларига тенг бўлган «Хатирчи текстиль» ип-калава ишлаб чиқариш корхонаси иш бошлади.

Ҳозирча мазкур корхонага 430 нафар ёшлар ҳамда 31 нафар «Аёллар дафтари»га киритилган хотин-қизлар ишга қабул қилинди. Корхона тўлиқ қувват билан ишлаб бошлагач, иш ўрни 1000 тага етади ҳамда йилига 6 миллион метр квадрат ҳажмдаги газлама ва 4 минг тонна бўялган ип-калава ишлаб чиқарилади.

– Биз учун ҳамма шароит яратилган, – дейди корхона ишчиси Фаридохон Исомиддинова. – Ўн

йилдан буён ишсиз эдим. Ишлаш, айниқса, замонавий технологияларда ишлаш кишига олам-олам қувонч бахш этар экан...

Корхонада ишлаб чиқарилган маҳсулотлар асосан хорижга экспорт қилиниши режалаштирилган. Ўзбекистон касабалар уюшмалари Федерациясининг Навоий вилояти кенгаши томонидан корхонага шартнома асосида қарз бериш ёки унинг устав фондига хиссадор бўлиб кириш орқали 30 та янги иш ўрни яратиш бўйича манзилли дастур асосида ташкил қилинган мазкур корхона келгуси йилдан эътиборан тўлиқ қувват билан ишлаб бошлайди.

Ўз мухбиримиз

Жиззах вилояти

Кўрик-танлов

НАМУНАЛИ ФАОЛИЯТ ЭЪТИРОФИ



Ўзбекистон касабалар уюшмалари Федерацияси томонидан эълон қилинган «Энг яхши сектор раҳбари», «Энг яхши маҳалла раиси», «Касабалар уюшмалари лауреати», «Энг намунали аёл иш берувчи» республика танловининг Жиззах вилояти босқичи бўлиб ўтди.

Унда «Энг яхши сектор раҳбари» сифатида Бахмал тумани ҳоқими, тумандаги 1-сектор раҳбари Муса Анорбоев эътироф этилган бўлса, Дўстлик туманидаги «Манас» МФЙ раиси Жалил Кенжаев «Энг яхши маҳалла раиси», Шароф Рашидов туманидаги «Холмўминов Зоҳид» фермер хўжалиги раҳбари Шарофат Нориева «Энг намунали аёл иш берувчи» деб топилди.

Жиззах шаҳридаги «Санобар она» хусусий тадбиркорлик корхонаси раҳбари Санобар Юсуповага эса «Касабалар уюшмалари лауреати» мукофоти республика танловининг вилоят босқичи ғолиблиги насиб этди.

Энди улар танловнинг республика босқичида иштирок этади. **Муқимбой ИСМОИЛОВ,** «ISHONCH»

Тошкент вилояти

МУНОСИБЛАР САРАЛАНДИ

Ўзбекистон касабалар уюшмалари Федерацияси Тошкент вилояти кенгаши «Энг намунали бошланғич ташкилот» кўрик-танловининг вилоят босқичини яқунлади.



– Кўрик-танловнинг туман, шаҳар босқичларида 1 минг 568 та бошланғич ташкилот иштирок этди, – дейди Тошкент вилояти кенгаши раиси Муроджон Носиров. – Яқунги хулосаларга кўра, 31 та касабалар уюшма ташкилотининг иш фаолияти намунали деб топилди.

Раёсат қарорига биноан аъзолари сони юз нафаргача бўлган бошланғич касабалар уюшма ташкилотлари орасида биринчи ўрин Ангрен шаҳар 38-сонли

мактабгача таълим ташкилотига насиб этди.

Аъзолар сони юз нафардан ортиқ бўлган бошланғич касабалар уюшма ташкилотлари орасида «Ангрен shaka» МЧЖ бошланғич касабалар уюшма кўмитаси биринчи ўринни эгаллаб, республика босқичида йўланмани қўлга киритди.

Ғолибларга эсдалик совғалари топширилди.

Ғулмжон МИРАҲМЕДОВ, «ISHONCH»

Сурхондарё вилояти

ҒОЛИБЛАР САФИДА КИМЛАР БОР?



Ўзбекистон касабалар уюшмалари Федерациясининг Сурхондарё вилояти кенгашида «Энг намунали бошланғич ташкилот» кўрик-танловининг вилоят босқичи ғолибларини тақдирлашга бағишланган тадбир бўлиб ўтди.

Аъзолари сони 100 нафардан кам бўлган бошланғич ташкилотлар орасида Ангрен туманидаги 9-мактабгача таълим ташкилоти, «Агробанк» АТБнинг Музработ тумани филиали, Сурхондарё вилояти тери-таносил касаликлири диспансери, Сурхондарё вилояти статистика бошқармаси ва «Star tekstil» масъулияти чекланган жамиятларининг бошланғич касабалар уюшма кўмиталари ғолиб бўлишди.


100 нафардан ортиқ ходимлар ишлайдиган меҳнат жамоалари ўртасида Шеробод туманидаги 27-умумтаълим мактаби, «Шўрчидон-

маҳсулотлари» акциядорлик жамяти, Денов тумани тиббиёт бирлашмаси, Сурхондарё вилояти ички ишлар бошқармаси, Бойсун туманидаги Ободонлаштириш бошқармаларининг касабалар уюшма кўмиталари ғолиб сифатида эътироф этилди.

Ғолибларга диплом ва эсдалик совғалари топширилди.

Баҳрулло МУҲАММАДИЕВ, Ўзбекистон касабалар уюшмалари Федерацияси Сурхондарё вилояти кенгаши «Ташкилий ишлар» бўлими мудири

Келгуси сонларда ўқинг...



Оролбўйида павловния экиш оммавийлашади(ми?)



Гендер тенглик мавжудми?



Ажойиб ихтиро